



## **Tää'ssvää'ld presidee'nt vaal 2018**

Lää'ddjânnam meerla va'lljee presidee'nt vaalin kuud ee'jj kõõski.

### **Vuõssmõs vaal:**

- Vaalpei'vv lij pâ'sspei'vv 28.1.2018
- Ouddjiõnstummuš Lää'ddjânnmest 17.–23.1.2018
- Ouddjiõnstummuš ålggjânnmin 17.–20.1.2018

### **Vuei'tlvaž nu'bb vaal:**

- Vaalpei'vv lij pâ'sspei'vv 11.2.2018
- Ouddjiõnstummuš Lää'ddjânnmest 31.1.–6.2.2018
- Ouddjiõnstummuš ålggjânnmin 31.1.–3.2.2018

## **Presidee'nt tuâj**

Preside'ntt ravvad laa'jjid, koid ee'ttiĳ-kå'dd lij priimmâm.

Preside'ntt jåå'đad Lää'ddjânnam ålggpoltiikk õõutveäĳka halltõõzzin.

Preside'ntt nõõmat vä'lddminister da jee'res ministee'rid jii'jjez tuâjaid. Lââ'ssen preside'ntt nõõmat su'vddjid da måttmid õll ve'rĳĳnii'ĳĳid.

Preside'ntt lij še Lää'ddjânnam peålštemviõggi pââimõs šurr. Väâinast da räâuhast preside'ntt tu'mmad ee'ttiĳ-kåå'dd miåsttmõõžžin.

## **ĳii vuäžž jionsted?**

Vuäitak jionsted preside'nttvaalin,

- jõs leäĳ Lää'ddjânnam meerlaž
- jõs leäĳ teåuddam 18 ee'ĳĳked mââimõõzzåst 28.1.2018.

## **Ķeän vuäitt jiõnsted?**

Peällõõgg da va'lljeemõhttõõzz vuäi'tte piijjád võboršee'kkid preside'nttvaalid. Võboršee'kk älgg lee'd Lää'ddjânnam meerlaž. Juõ'kk võboršee'kkest lij jii'jjes nâamar. Preside'nttvõboršee'kk lie jiõnstemnalla pirr jânnam, nu'tt što vuäitak jiõnsted Ķeän võboršee'kk täattak. Teâđ preside'nttvõboršee'kkin vuäžžak õuddmiârkkân lõõstin, televisiost da interneettest.

## **I'Immtõskortt puätt domoi**

Jõs tu'st lij jiõnstemvuõiggâdvuõtt, tu'nne vuõlttee Ķee'rij domoi. Ķee'rjest lie kuõ'htt i'Immtõskoort, gu preside'nttvaalâst vuäi'tte lee'd kuõ'htt jiõnstummuž.

I'Immtõskoortin lij teätt tuu jiõnstempäai'kest vaalpei'vven. Mie'ldd lij še logstõk ouddjiõnstempäai'kin.

## **Õhtt le'be kuõ'htt jiõnstummuž**

Preside'nttvaalâst vuäi'tte lee'd kuõ'htt jiõnstummuž. Jõs kââ'tt-ne võboršek vuäžž vuõssmõs jiõnstummšest pâ'jjel beä'l jiõnin, suu va'lljeet vuõ'i'ggest preside'ntten.

Jõs ij ni kii võboršek vuäžž pâ'jjel beä'l jiõnin, jää'rjstet nuu'bb jiõnstummuž.

Vuõssmõs jiõnstummuš lij 28.1.2018.

Vuei'tlvaž nu'bb jiõnstummuš lij 11.2.2018.

## **Dââma jiõnstummuš**

Jõs leäk vaiggânji lammšõõvvâm le'be ku'kes ääi'j puõcci, vuäitak jiõnsted ooudkiõ'tte dââma. Dommjiõnstummšest vuäžžak lââ'zz teâđ jiijjád kâ'dd kõõskõsmaal-lu'vddkââ'ddest. Lu'vddkââ'dd te'lfon-nâamar lij i'Immtõskoortâst.

## **Näai't jiõnstak ooudkiõ'tte**

Vuäitak jiõnsted preside'nttvaalâst ooudkiõ'tte ko'st täattak ouddjiõnstempäai'kest.

Ouddjiõnstummuš lij 17.–23.1.2018. Jõs preside'nttvaalâst riâššât nuu'bb jiõnstummuž, tõn ouddjiõnstummuš lij 31.1.-6.2.2018.

Vää'ld jiõnstummuša mie'ldd persontuõđštõõzz, ouddmiârkkân paass, personkoort le'be vuejjamkoort.

1. Čuä'jet persontuõđštõõzz vaalve'rggnekka.  
Ve'rggnek taa'rkast tõn da oudd tu'nne jiõnstemliipp.

2. Vää'ld jiönstemliipp mie'ldd da mõõn jiönstemsâjja.  
Ķee'rjet jiönstemli'ppe čiõlggsânji tõn võborsee'ķķ nââmar, koon jiönstak.  
Jeä'l Ķee'rjet ni mõõn jee'res jiönstemli'ppe.
3. Tuäj jiönstemliipp kõskkpääi'ķest.
4. Määcc vaalve'rġġnee'ķķ ârra.  
Son lei'mmai jiönstemliipp  
da oudd tu'nne ru'čķķes vaalkuõr.  
Piij jiönstemliipp kuõr sizz da li'jmme kuõr ķidd.
5. Vaalve'rġġneķ räukk tuu vuâllaķee'rjted lomaakk.  
Vuâllaķee'rjtõõzzin ââsktak, što leäk jiõčč teâuddam jiönstemliipp,  
vuäžžam tõõzz leei'm da kättam tõn kuõ're.
6. Looppâst ve'rġġneķ kätt vaalkuõr da lomaakk vi'sķķes vuõlttõskuõr sizz.

Go leäk jiönstak, vuäitak vue'lġġged ouddjiönstempääi'ķest.

### **Näai't jiönstak vaalpei'vven**

Vaalpei'vven jiönstempääi'ķ lie äävai čiâss 9–20. Taa'rķest i'lmmtõskoortâst, ko'st tuu jiönstempäi'ķķ lij.

Vää'ld jiönstummša mie'ldd persontuõđštõõzz,  
ouddmiârkkân paass, personkoort le'be vuejjamkoort.

1. Čuä'jet persontuõđštõõzz vaalve'rġġneķka.  
Ve'rġġneķ taa'rķast tõn da oudd tu'nne jiönstemliipp.
2. Vää'ld jiönstemliipp mie'ldd da mõõn jiönstemsâjja.  
Ķee'rjet jiönstemli'ppe čiõlggsânji tõn võborsee'ķķ nââmar, koon jiönstak.  
Jeä'l Ķee'rjet ni mõõn jee'res jiönstemli'ppe.
- Tuäj jiönstemliipp kõskkpääi'ķest.
3. Määcc vaalve'rġġnee'ķķ ârra.  
Son lei'mmai jiönstemliipp.
4. Kõõččât jiönstemliipp vaalčokka.

Go leäk jiõnstam, vuäitak vue'lggëd ouddjiõnstempäi'kest..

### **Ķeä'st vuäžžak vie'ķķ?**

Vaalve'rġġnee'ķķ vuä'pste tuu vaalpäi'ķest nu'tt ouddjiõnstummšest gu vaalpei'vven.

Vaalpäi'ķest lij še vaalveä'ķķteei. Vuäitak raukkâd suu veä'ķķen jiõnstemsâjja, jõs jiõk jiõčč pââ'st tieu'dded jiõnstemliipp.

Vaalveä'ķķtee'jen vuäitt toi'mmjed še ooumaž, koon leäk jiõčč va'lljääm, ouddmiârkkân ruätt le'be â'lddsõs ooumaž. Veä'ķķtee'jen ij kuuitâg vuäžž lee'd võboršek le'be võboršee'ķķ â'lddsõs ooumaž. Vaalveä'ķķteei ij vuäžž sârnnad ni ķeäzz, ķeän jiõnstiķ.

### **Vaalkäittmõš**

Juõ'ķķkaž tu'mmad jiõčč, haa'lad-a jiõnsted da ķeän jiõnast.

Vaalkäittmõš miârkkšââv še tõn, što tu'st ij taarbâž mušttled ni ķeäzz, ķeän jiõnstak.

Jiõnâst preside'nttvaalâst!

Lââ'ss teätt jiõnstem pirr:

vaalit.fi